

Na osnovu člana 11. b) odjeljak A poglavlje V Ustava Unsko-sanskog kantona- prečišćeni tekst ("Službeni glasnik Unsko-sanskog kantona" broj: 01/04 i 11/04) na prijedlog predsjedavajućeg Skupštine Unsko-sanskog kantona, Skupština Unsko-sanskog kantona na XXII sjednici održanoj dana 26.04.2012. godine i nastavku sjednice održane 08.05.2012. godine donosi:

## **ZAKON**

### **O IZMJENAMA ZAKONA O KOMUNALNIM DJELATNOSTIMA**

#### Član 1.

U Zakonu o komunalnim djelatnostima ("Službeni glasnik Unsko-sanskog kantona" broj: 4/11, 11/11 i ispravka 6/12) mijenja se član 36 i glasi:

"Član 36"

(Obaveza vlasnika u slučaju prometa nekretnina i registracije vozila)

(1) "Obveznik plaćanja cijene komunalne usluge za pruženu uslugu je vlasnik nekretnine ili korisnik kada je to vlasnik ugovorom ovjerenim od nadležne poreske uprave prenio na korisnika.

(2) Kupovina nekretnina, odnosno prijenos vlasništva nekretnine se ne može ostvariti bez prethodno izmirenih obaveza komunalnih usluga koje je napravio prodavač, odnosno vlasnik nekretnine.

(3) Registracija svih vrsta vozila ne može se ostvariti kod Policijske uprave Ministarstva unutrašnjih poslova Kantona bez prethodno izmirenih komunalnih obaveza, minimalno do posljednja tri mjeseca ili sporazumom o izmirenju obaveza između davaoca i korisnika komunalnih usluga.

(4) Davaoci komunalnih usluga dužni su subjektima iz stava (2) i (3) ovog člana svakog mjeseca dostavljati spisak lica koji nisu izmirili komunalne obaveze.

(5) Ograničenja iz stava (2) i (3) ovog člana primjenjivaće se na korisnika komunalne usluge za neizmirene komunalne obaveze nastale nakon 01.01.2012. godine."

#### Član 2.

Ovaj Zakon stupa na snagu osmog dana od dana objave u "Službenom glasniku Unskosanskog kantona".

Broj 01-02-1-334/12

8. maja 2012. godine

B i h a ć

Predsjedavajući Skupštine

Unsko-sanskog kantona

mr. sci. Husein Rošić